

qui venit in nomine domini. hunc ergo versicu-  
lum cantauerunt pueri occurrentes domino ad  
passionem venienti. quod sequitur. **Benedixi-  
mus vobis de deo domini.** adiecit mater ecclesia  
dicens pueris suis. **Benediximus vobis** id est sig-  
nificauimus vos baptismo. nos qui sumus fami-  
lia domini. quia deus dominus illuxit nobis. **Sequens ver-  
sus.** Hec est dies. ad gaudium spectat credenti-  
um. **Ne alius.** Lapidem quem reprobauerunt  
ad sigillacionem pertinet iudeorum ad eos deo cre-  
dentes pertinet. **Post communiō** omnes qui in cris-  
to et cetera. **Pertinet igitur officium istud ad**  
pacificos qui filij dei vocabuntur. debet enim do-  
minus hijs qui credunt in nomine eius filios dei  
fieri quibus sapia datur perfrui.

**De prima dominica post pascha**

**O**ctaua pasche incipit tempus regressio-  
nis. seu reconciliacionis. prout dictum est in prohe-  
mio huius partis. **P**ane in hac die dominica in  
quibusdam ecclesijs fiunt octauae pasche. et dis-  
cuntur responsoria de die dominica et introitus  
**Resurrexi.** et graduale quod derelictum erat.  
resumunt habentes respectum ad generalem re-  
surrectionem ad cuius gloriam per gradus ascen-  
ditur. **Cristi enim resurrectio in octaua** etate fa-  
cta est. **Sed cum paschalis solennitas significet**  
illam octauam. que sequitur septenarium huius  
vite. **Queritur quare habet octauas cum etiam**  
eius solennitas protendatur non tantum per o-  
cto dies. sed etiam usque ad diem penthecostes.  
**Racio quia resurrectio futura significata est per**  
circumcisionem que octaua die mandata est. **et**  
vere circumcisionis octo sunt beatitudines quarum  
octaua redit ad primam et ideo ad representans  
dum has beatitudines solemnibus octo dierum  
officijs celebramus octauas dominice resurrex-  
tionis que est causa et signum nostre future cir-  
cumcisionis. **Has beatitudines coaptat augu-  
stinus in libro de doctrina christiana septem spi-  
ritibus omittens ultimam quia redit ad primam**  
gradatim enim a timore peruenitur ad sapienci-  
am. unde incium sapientie timor domini. de hoc  
dicetur in prohemio septime partis. **Quia ergo**  
nouiter baptizati sunt pueri. et quia multos no-  
uellos in quadagesima genuit ecclesia. et quia  
in illo tempore fuerunt apostoli pueri propter  
quod dominus fuit cum eis quadraginta diebus  
post pascha instruens eos in fide. ut possent om-  
nino fieri spirituales. et ut viderentur igne spiri-  
tullandi propter istas tres causas siue nouitates  
instruit nos ecclesia in fide in hoc tempore. et  
ideo in prima quindena leguntur apoc. et actus  
apostolorum in quibus libris habetur de septem  
signaculis videlicet de incarnatione. natiuitate  
et cetera. que christus solus aperuit que sunt  
maxima principia fidei nostre. **Postmodum in**  
alia quindena cantatur in responsorijs de psal-

mis et in lectionibus leguntur epistole. canoni-  
ce usque ad ascensionem domini. ut supra fidem  
edificentur bona opera. ps. enim et epistole bo-  
na opera designant. **Et attende quod ante resurrex-  
tionem lex et prophete legebantur.** post resurrex-  
tionem vero apoc. et epistole canonicæ que  
sunt apostolorum scripta legantur. et cantibus  
subilantur. lex enim et prophete christi passionem  
et resurrectionem predixerunt. **h**apostoli iam  
factam annunciarunt et testificati sunt. ideoque  
responsorium illud cantatur virtute magna redderunt  
baptismi testimonium resurrectionis. **Racio**  
nabiliter et legitur apoc. et canitur eo quod in eo  
visio christi et angelorum collocatio memoratur  
**h**illa enim vita quam paschale significat. tem-  
pus anime visionem trinitatis et angelorum con-  
sorcio gratulabuntur. **Legitur autem apoc. cum**  
hystoria dignus es domine. **Alleluia incipit**  
**Ego sum vitis.** **Quod autem in quodam respon-**  
sorio dicitur. decantabit populus israel alleluia  
et vniversa multitudo iacob canebat legitimi-  
me et dauid cum cantoribus cytharaz percussit  
in do. d. illud respicit quod in domo saul structo id est  
mortis imperio archa id est humanitas saluato-  
ris in qua sunt manna id est verbum et tabule te-  
stamenti id est thesauri sapientie et sciencie dei  
absconditi in iherusalem ducitur et tabernaculo  
collocatur. ut eterna pacis visione fruatur et  
ad patris equalitatem gloriosus exhibeatur.  
**Cum autem superius temporibus infancia salua-**  
toris paulum dixerimus esse legendum. nunc ve-  
ro scripta ceterorum apostolorum. patet quod to-  
to tempore siue ante passionem siue postea quo  
domini presenciam memoratur congrue precones-  
noui testamenti locuntur. ut quasi ab vteribus  
sponsi filij consolacionis lacte potetur. **Hec namque**  
scripture sunt vera. de quibus dicitur. **Meliora**  
sunt vera tua vino. **Et quibus nos sic re-**  
ficiat **Deus cuius misericordia plena est terra**  
ut omnes de ipsius plenitudine accipiamus.  
**Et nota quod secundum romanum ordinem legun-**  
tur nouem lectiones in dominicis a pascha usque  
ad penthe. prout dictum est sub titulo de septem  
diebus post pascha. **Propter nouitatem autem**  
triplicem que directa est incipit introitus. **Quia**  
si modo genui infantes et cetera. j. ps. ij. ca.  
**In epistola vero in fide instruimur que incipit.**  
**Omne quod natum est ex deo vincit mundum.** et  
**Johannis. v. c.** ostendit fidem per testimonium  
in celo et in terra et in consciencia. **In terra cum**  
dicit. **Tres sunt qui testimonium perhibent in**  
terra. **Spiritus aqua et sanguis** quia enim cla-  
more magno dominus emisit spiritum et quod ex eo  
iam mortuo exiit sanguis et aqua iudicium fuit  
humanitatis et huius tres vnum sunt id est vnum  
significant. **Tres perhibent testimonium in ce-**  
lo pater in voce verbum in carne. **Spiritus in**  
columba. et huius tres vnum sunt. **De**  
testimonio consciencie sequitur in epistola qui

qui credit in filium dei iam in se testimonium dei  
 habet id est hoc dicit ei conscientia. Sequi-  
 tur duplex alleluia in dominicis enim et festi-  
 uis diebus ab hac die usque ad octavam penthe-  
 costes canitur duplex alleluia de quo dictum est  
 sub titulo de septem diebus post pascha. et sub  
 sabbato in albis et sub septuagesima. primum  
 alleluia est. p. 9 dies octo iohannis. xx. capitulo  
 Evangelium Cum esset sero. jo. vicesimo capitulo  
 est de duabus apparicionibus. Prima omnibus  
 apostolis in ipso die pasche excepto thoma alia  
 octava die presente thoma. qui vidit et credidit  
 et tetigit. et dixit dominus meus et deus meus.  
 Aliud vidit aliud credidit. vidit humanitatem  
 et credidit deitatem. et congruit factum niter /  
 pretationi nominis. Thomas enim interpreta-  
 tur abissus. non profunde intellexit qui ex eis qui  
 exterius vidit deitatis intimam penetravit. Post  
 modum inuitavit nos in euangelio beatus jo-  
 hannes ad credendum ab utili et honesto. vtile  
 est enim nobis credere. unde dixit. multa signa  
 fecit ihesus que non sunt scripta in libro hoc.  
 Postcommunio est. Mitte manum et cetera. jos-  
 hannis vicesimo capitulo.

De secunda dominica.

**S**equitur de secunda dominica post pas-  
 cha quia enim per christi resurrectionem  
 neque illuxit deus nobis. non tantum par-  
 uulis sed etiam perfectis. ideo hec do-  
 minica de pastoribus est. qui debent plene imi-  
 tate christum. Unde introitus est. Misericordia  
 domini plena est terra. ea enim non tantum par-  
 uulis sed et magni repleti sunt. Et ideo sicut an-  
 tecedens dominica fuit de paruulis sic ista est de  
 perfectis. Unde sequitur. Verbo domini celi id  
 est apostoli firmati sunt. Et quia petrus loquitur  
 ad pastores in epistola. Christus passus est pro  
 nobis. et cetera. prima petri. ij. capitulo. ideo nunc  
 fiunt sinodi. et fit stacio ad sanctum petrum in  
 fine enim dicitur. Conuersi enim estis ad pasto-  
 rem et episcopum animarum uestrarum. Duo  
 alleluia dicuntur. Primum scilicet cognouerunt  
 discipuli et est de resurrectione. In alijs tamen  
 ecclesijs dicitur. Surrexit dominus. Mathei vi  
 timo capitulo. Aliud scilicet. Ego sum pastor bo-  
 nus et iohannis decimo. est de prelati. Euan-  
 gelium vero. Ego sum pastor bonus. ioh. x. est  
 de bonis prelati et mercenarijs. Offertorium  
 est. Deus deus meus ad te de luce vigilo. quia  
 prelati debent semper vigilare. Unde in canticis  
 canticorum dicitur. Inuenerunt me vigiles qui  
 custodiunt ciuitatem. Postcommunio similiter  
 est de prelati. Ego sum pastor bonus. et

De dominica tercia.

**I**n precedentibus duabus dominicis ostensum  
 est quod parui et magni per christi resurrectionem  
 pleni sunt misericordia domini. Parui cum dici-

tur in introitu precedentis dominice. Misericordia  
 domini plena est terra Magni cum dicitur  
 ibidem. verbo domini celsi firmati sunt. in hac  
 vero tercia et in sequentibus duabus dominicis  
 ante ascensionem hortatur nos ecclesia ad iubilum  
 et exultationem. propter christi resurrectionem  
 et ascensionem. Unde introitus huius dominice  
 incipit. Tubilate deo omnis terra. et cetera.  
 Et ibi sequitur alleluia. quia iubilus est exulta-  
 tio mentis. habita de eternis. soli autem deo  
 iubilandum est. Sequitur psalmum dicite nomi-  
 ni eius. est hilari operatione ipsum laudare. et  
 sequitur similiter ibi unum alleluia quia ab vna  
 radice ortum habent omnia talia id est a carita-  
 te. Sequitur. Date glorię laudi eius. et ibi  
 dem. et in fine sequitur triplex alleluia. quia a  
 potencia patris et sapientia filij et a benignita-  
 te spiritus sancti. processit. quod nos liberauit per pas-  
 sionem et resurrectionem suam. et ideo laudandus  
 est deus. Licet autem sit exultatio tamen incuti-  
 tur timor. ne spes sine timore luxuriet in pre-  
 sumptione. unde sequitur versus. dicite deo. quod  
 terribilia sunt opera tua domine. Debet enim ti-  
 mere nouus populus. quia iudei execrati sunt. qui  
 erant populus peculiaris domini qui licet appo-  
 fuissent custodes. tamen dixerunt. venerunt di-  
 scipuli eius et furati sunt eum et sic est quod dicit ps-  
 Alacientur tibi. id est ad honorem tuum. quia  
 ex hoc magis confusi sunt inimici tui. id est iudei  
 Et sequitur ibi. In multitudine virtutis tue quasi  
 diceret. licet vidissent multa miracula. videlicet  
 solem obscuratum. et petras scissas. in hoc est ec-  
 multitudo virtutis dei. quod mendacia inimicorum  
 vertit in suum honorem. In epistola vero monet  
 petrus baptizatos ut ambulent in nouitate vite  
 abstinentes a carnalibus desiderijs. dicens.  
 Obsecro vos fratres tamquam aduenas et peregrinos  
 abstinere vos a carnalibus desiderijs prima pe-  
 tri secundo capitulo. et concordat cum introitu  
 quia gustato spiritu desipit omnis caro. Quedam  
 ecclesie dicunt alleluia. christus resurgens. ro-  
 sero capitulo. Evangelium est de resurrectione  
 Modicum et non videbitis me modicum id est a  
 morte usque ad resurrectionem. iterum modicum  
 et videbitis me. post resurrectionem et modicum  
 quia vado ad patrem. iohannis vi. capitulo.

De dominica quarta.

**I**n quarta etiam dominica inuitamur ad iubilum  
 et specialiter inuitamur ad hoc gentes unde in-  
 troitus sumptus est de ps. inuitante ad cantum  
 que incipit. cantate domino canticum nouum. quia  
 mirabilia fecit dominus. Bernhardus inquit  
 tria fecit dominus mirabilia in incarnatione sua  
 primum quod mater esset virgo. Secundum quod  
 deus fieret homo. Tertium quod predicta potest  
 credere carnalis homo. Sequitur ibi. ante  
 conspectum gentium. reuelauit iustitiam suam.  
 id est filium suum. Sequitur versus. Saluauit.